

國家圖書館藏歷史檔案文獻叢刊

方恪敏公奏議

第7冊

全國圖書館文獻縮微復制中心

國家圖書館藏歷史檔案文獻叢刊

方恪敏公奏議

第 7 冊

全國圖書館文獻縮微複製中心

奏為京縣亟需幹員恭懇

直隸總督臣方
順天府丞暫署府尹事臣馬
謹

聖恩陞補事竊照大興縣知縣陳世佺因采育鎮當

舖呂百萬毆斃人命賄求開脫一案恭奉離任

審明開復另補所遺大興縣缺係

京畿首邑衝繁疲難四項兼全例應於屬縣內揀

京
選題補必須精明強幹之員始克勝任現在屬
縣內求其合例應陞而又堪資幹理者殊不易
得臣等與兩司公同詳加揀選有宣化府懷安
縣知縣孔傳炯係山東進士該員才具明練治
劇有方以之陞補京縣要缺實於地方公務多
所裨益惟京縣知縣係正六品由外縣知縣陞

補歷俸湏滿五年該員於乾隆十四年六月內
到任未屆五年應陞之期於例稍有未符伏查
久於其任案內定議員缺果係緊要非幹員不
能勝任而年例未符實有不得不為變通者准
令將其人其地相湏之處詳悉聲明具奏請
旨等因遵照在案臣等謹循例聲明恭摺具

旨奏請

旨如蒙

聖恩俞允請將孔傳炯給咨送部引

見恭候

欽定再查孔傳炯任內有接征乾隆十二年地糧改

折未完不及一分罰俸一年戴罪征收之案已

據征解全完

題請開復又經征乾隆十四年奏銷年限案內未

完乾隆二年師生銀兩彙叅已據按數完解咨

部免議又經征乾隆十四年代征租銀未完不

及一分部議停陞督催事在乾隆十五年八月

初四日

恩詔以前業邀寬免所有未完租銀因十七年被灾
題明緩征在案此外並無叅罰事件合併陳明

伏乞

皇上聖鑒施行謹

奏

乾隆十八年五月初八日奏本月十二日奉到
硃批着照所請行該部知道欽此

乾隆十八年五月十一日奏摺二件

奏為恭報甘霖大沛事竊保定省城於本月初十日亥刻細雨綿密約有兩時隨復大雨如注歷丑寅卯辰積水盈溢四鄉下隰高原在在霑足此次雲陰甚遠雨勢綿長各屬諒已溥徧臣查目下麥收分數雖定而晚實者亦尚可資飽湛

秋禾正當長發之際得此應時膏澤倍見滋榮
麥田收割之後各項晚禾均可乘潮播種農民
莫不懽慶除現在虔行報祀之禮並查明各屬
得雨分寸開單另

奏外理合恭摺

奏報仰慰

聖懷伏祈

皇上睿鑒謹

奏

乾隆十八年五月十一日奏本月十四日奉到
硃批欣慰覽之欽此

奏為

奏覆事本月十一日保定省城得雨霑足臣正在

繕奏間奉到

廷寄

上諭據吉慶奏稱本月初四日靜海得雨二三寸初

六日親歷天津縣各處查勘得雨三四寸雖於大
田有益究未深透霑足民間望澤仍殷現在竭誠
祈禱等語前據方觀承奏稱直屬惟順天並宣化
易州得雨霑足其餘各屬均止一二三寸天津河
間等四府乾暵較甚麥田俱已減收朕心深為懸
切今天津靜海雖得雨數寸均未霑足而保定以

南一帶各府屬地方數日以來未知曾否得有雨
澤現在情形若何着詢問方觀承令其查明速奏
仍一面虔誠祈禱以冀甘霖優渥倘有應行籌辦
接濟之事即行奏聞速辦欽此臣查天津河間正
定順德等府趙冀深三州屬田禾乾燥日久雖
於五月初一初三初五等日陸續報到得雨一